

ՖԻՐԱՆՍԻԱԿԱՆ ԺԱՄԱՆԱԿԱԿԻՑ ԵՐԻՏԱՍԱՐԴՈՒԹԻՒՆԸ

Ի. Դ-ՈՎԻ

Ի՞նչ է ներկայացնում իւր հոգեկան կեանքով Ֆրանսիական ժամանակակից ինտելիգենտ երիտասարդութիւնը. ի՞նչով է ապրում, ի՞նչ է մտածում, ի՞նչ բարոյական նպատակներով է առաջնորդւում, որո՞նք են նորա հաւատալիքները, համոզումները, իդէալները Ուրբան մեզ յայտնի է, այս բոլոր հարցերը մեր մամուլը համարեա ամենեւին չի շոշափել. թէև նա պակաս ուշադրութիւն չի դարձնում Ֆրանսիայի քաղաքական-հասարակական, գրական և գիտնական երևոյթների վերայ: Այդ հարցերը չափազանց հետաքրքրական են ինքն ըստ ինքեան, հետաքրքրական են և նորանով, որ սերտ կապւած են Ֆրանսիական հասարակապետութեան մօտաւոր ապագայի հետ. հասարակապետութեան, որ քաղաքակիրթ աշխարհի մէջ առաջնակարգ տեղ է բռնում: Սովորաբար ասում են, — և ասում են միանգամայն իրաւացի, — թէ երիտասարդութեան վերայ են երկրի բոլոր յոյսերը: Համարձակ կարելի է ասել, թէ ինչպէս որ այսօրւայ երիտասարդութիւնն է, այնպէս կը լինի մեծ մասով էգուցւայ հասարակութիւնը իւր մտաւոր և բարոյական կողմերով: Այսօր նորա ներկայացուցիչները խմբւած են համալսարանների յարկի տակ, խորասուզւած են գասախօսութիւնների, գրքերի և դասագրքերի մէջ, աշխատում են կարիներանցում, լաբորատորիաներում, գրադարաննե-

¹⁾ Русская Мысль 1891 г., № 2.

բում, ապրում են շատ թէ քիչ փակ կեանքով, առանձնացած իրանց ընկերական շրջանների մէջ, բայց վաղը նրանք կը վերկենան դպրոցական նստարանից, դուրս կը գան հասարակական ասպարէզ, իբրև գործնական քաղաքացիներ, կը փոխարինեն այժմեան գործողներին, կը յայտնեն իրանց պահանջները, կեանքի մէջ կը մտցնեն իրանց հայեացքները և առաջնորդող դեր կը խաղան քաղաքականութեան, ընկերական յարաբերութիւնների, գրականութեան, գիտութեան և արւեստների մէջ: Նոքա կը տարածեն մոաւոր և դործնական կեանքի բոլոր խաւերի մէջ, ամեն բանի վերայ կը գնեն իրանց հանճարի կնիքը, հասարակաց կարծիքի առաջնորդ կը հանդիսանան, մի որոշ չափով կը կազմեն և կը վճռեն երկրի բաղդը, և այդ բոլորից կը կազմէի այն, որին պատմութիւնս անունն ենք տալիս: Ահա՛ այս պատճառներով նրանք անկասկած արժանի են մեր ուշադրութեանը: Արդ, ի՞նչ ուղղութեամբ են կազմում և ձևակերպում Ֆրանսիական այժմեան ինտելիգենտ երիտասարդութեան գաղափարներն ու գղացումները, Ֆրանսիական հասարակութիւնը և ժողովուրդն ի՞նչ պէտք է սպասեն համալսարանական երիտասարդութիւնից: Մենք կ'աշխատենք յետագայ տողերով այս կենսական հարցերին ըստ կարի պատասխանել. բայց նախ տեսնենք թէ ի՞նչ են ասում այդ մասին իրանք՝ Ֆրանսիական ուսանողները. նրանք այս խնդրի մասին խօսում են, և շատ հետաքրքիր բաներ են ասում:

Անցեալ տարւայ յունւարի վերջերին, Պարիզում, փառաւոր Maison des étudiants-ի (ուսանողական տուն) կահաւորւած դահլիճներներից մէկում, որ պատկանում է Պարիզի ուսանողական միութեանը, (Association des étudiants de Paris) հինգ հարիւրից աւելի ունիւղիր ուսանողների ներկայութեամբ կայացաւ «Միութեան» հերթական ժողովներից մէկը. այս անգամ դասախօսում էր լեզաբանական ֆակուլտետի ուսանող Հէնրիխ Բերանժէն. նիւթն էր «Ունտելիգենտ երիտասարդութիւնը և Ֆրանսիական ժամանակակից բոմանը»: Մեղ համար այս դասախօսութիւնը մի կատարեալ գանձ է, որովհետև նորա մէջ պարզ արտայայտւած է Ֆրանսիական ժամանակակից ինտելիգենտ երիտասարդութեան գաւառանքը (profession de foi), իսկ ընթերցողների համար, մենք կարծում ենք, սա իսկական գիւտ է:

II

«Վէպի — կեանքի գեղարեստական վերարտադրութեան մէջ, — ասաց ի միջի այլոց Բերանժէն իւր նշանաւոր դասախօսութեան սկզբում, — երիտասարդները որոնում են անյազաբար ընդհանրապէս կեանքի, ուրիշների և մասնաւորապէս իրանց սեպհական հոգու գաղտնիքը: Այս պատճառով մեր նորագոյն վիպասանները, կարծես, ամենից առաջ և առանձին հոգածութեամբ պէտք է աշխատէին նկարագրել այդ երիտասարդութեան համար նորա իսկական պատկերը, որի մէջ ներկայանար և իդէալը և իրականութիւնը, որտեղ երիտասարդութիւնը տեսնէր իւր իսկական պատկերը, և որին աշխատէր նմանել: Մեծ հեղինակը կարող էր այսպիսով մի գեղեցիկ վաստակ արտադրել և, անշուշտ, բարեբար ազդեցութիւն կունենար: Սակայն Ֆրանսիական գեղարեստական դրականութեան պատկառելի ներկայացուցիչներից ոչ մէկը այդ գոհութեան արժանի սյուրտակա-նութիւնը չէ կատարել: Եթէ հռչակաւոր վիպասանները իրանց գրածքների մէջ երբեմն երբեմն զուրս են բերել նոր սերնդի տիպեր, նոքա այդ արել են հարեանցի կերպով, զրան երկրորդական նշանակութիւն են տւել. նոքա նկարագրել են երիտասարդութեան տիպերը բացառապէս արտաքուստ. նոցանից ոչ մէկը երբէք չէ թափանցել երիտասարդի հոգին, չէ հետաքրքրել այդ հոգու աստիճանաբար զարգացումով և կազմաւորութեամբ:»

Այս երևույթը բացատրւում է գլխաւորապէս նորանով, որ ո՛չ Գոնկուրը, ո՛չ Զոլան և ո՛չ մի ուրիշը Ֆրանսիական նատուրալիստական շկոյայի փայլուն աստղերից ինքն ուսանող չէ եղել բաւի բուն նշանակութեամբ, չէ շնչել համալսարանական շրջանի օդը, չէ ենթարկւել այն տագնապնդիւն, որոնց ենթարկւել են նոր երիտասարդութեան մտքերն ու զգացումները, ուստի և կարողացել է զուրս բերել նորան միմիայն արտաքին կողմից: Միայն վերջին տարիներս, երբ նատուրալիզմի դէմ սկսեց ըէակցիա և զրականութեան մէջ երևան եկան իդէալիստական ձգտումներ, ասպարէզ եկան երկու երիտասարդ վիպասաններ՝ Պօլ-Բուրժէ և Մորիս-Բարբէս մի շարք գեղարեստական գրածքներով, որոնց մէջ ձգտում են նկարագրել և բացատրել ինտելլիգենտ երիտասարդների հոգեկան կեանքը: Այդ

երկու հեղինակները դուրս են բերում ո՛չ այժմեան նորահաս ինտելիգենցիայի տիպեր, այլ այն ինտելիգենցիայի, որին պատկանել է նոցանից իւրաքանչիւրը՝ Խուրժէի շարադրութիւնները 70-ական թւականների ոգով են տոգորւած, իսկ Բարէսինը՝ ութսունական թւականների կնիքն են կրում: Այս երկու հեղինակների վերայ, որոնք ներկայացուցիչներն են, Բերանժէն հրաւիրեց իւր ունկնդիրների ուշադրութիւնը: Նա վերլուծեց յիշեալ հեղինակների արտադրութիւնները, ընտրեց նոցանից բնորոշ գծերը, կազմեց երկու ամբողջական, կենդանի տիպեր, որոնց համեմատեց ժամանակակից ինտելիգենտ երիտասարդի պատկերի հետ, ժամանակակից երիտասարդի, որ մշտնելու վրայ է հասարակական—քաղաքական գործունէութեան ասպարէզը, որ տենդային կերպով որոնում է այս հարցերը, ո՛ւր գնալ, ի՞նչ անել, ինչո՞ւ համար ապրել, և որը իրհուն հայեացք է ձգում ապագայի վրայ: Տաղանդաւոր դասախօսի այս համեմատութեան արդիւնքը վերին աստիճանի խրատական է:

Ի՞նչպէս է ներկայանում մեզ 70-ական թւականների նոր սերունդը, որից մարմին ի մարմնոյ է ինքը Պոլ-Բուրժէն, որ 1872 թւին դեռ ուսանող էր բարձրագոյն գիտութիւնների դպրոցում (Ecole des hautes études): Այն ժամանակ նա քսան տարեկան էր և ապրում էր լատինական թաղի երիտասարդութեան կեանքով, այն երիտասարդութեան, որի մուռնոր շրջանի տիպերը փոքր ինչ յետոյ երևան եկան նորա հեղինակութիւնների մէջ: Չափազանց թշուաւ էր այդ սերունդը. նորա կեանքը թունաւորւած էր, նա ընկղմւած էր մուսլք մելամաղձութեան մէջ, նա յուսահատ հեծում էր: Տխուր, հոգեկան վշտով նայում էր նա իւր և իրան շրջապատող իրականութեան վերայ. չէր էլ կարող ուրիշ կերպ նայել, չէր կարող առողջ հայեացք ունենալ կեանքի վրայ, ստեղծել առողջ աշխարհատեսութիւն: Պրուսացիները մաքակծում էին, ոտնակոխ էին անում և ստորացնում էին հայրենիքը. նոյն ժամանակաւ դեռահաս սերնդի ներկայացուցիչներից հասակաւորները, հրացանը ձեռքերին կանգնած Պարիզի ամրոցներում, կուռւմ էին թշնամու դէմ, պաշտպանելով արիւնաներկ ծննդավայրը: Նոքա թափում էին իրանց և թշնամու արիւնը, և հոգեպէս ճնշւում էին, ականատես լինելով զարհուրելի տեսարանների: Նոցա աչքի առաջ թափւում էր անմեղ զոհերի արիւնը, ամեն

տեղ սփռելով կորուստ, մահ և աւերմունք: Աւելի դեռահասները տեսնում էին, թէ ի՞նչպէս պաշարւած քաղաքի վերայ անձրևի նման տեղում էին թշնամու ռմբերը, բերելով իրանց հետ նոյն աւերմունքը: Եւ տեսնում էին և քսամունք... Միւս կողմից, մինչ արտաքին թշնամու դէմ կռիւը վերջանալու վրայ էր, որ Ֆրանսիացոց համար այնքան ստորացնող, այնքան նախատական ելք ունեցաւ, սկսեց ներքին կռիւը, արիւնահեղ, եղբայրասպան կռիւ, համայնական կռիւ, զարհուրելի կռիւ «Ֆեդերալիստների» և «վերսալեանների» մէջ... Պարիզը, մեծ Պարիզը, քաղաքակրթութեան լուսաւոր ջահը արիւնով ոռոգւեց, բոցերի ճարակ եղաւ... համայնքի մէջ ընդհարում... Արիւնահեղ շաբաթը... անգութ ծնշումներ... զազանային վարմունք դէպի յաղթածները... սարսափելի սպանութիւններ... Եթէ մինչև իսկ այժմ, քսան տարի անցնելուց յետոյ, մենք որ ոչինչ արիւնային կապ չունենք Ֆրանսիայի հետ, այդ աննկարագրելի եղեւնագործութիւնները չիշելիս սարսափում ենք, խորշում ենք մարդկանցից, զարհուրում ենք, ի՞նչ պէտք է զգային իրանք՝ Ֆրանսիացիք, որ ականաւոր և ժամանակակից էին այս զարհուրելի դէպքերին և իրողութիւններին: Ի՞նչ պէտք է զգային և կրէին մասնաւորապէս մեզ հետաքրքրող ներնդին պատկանող պատանիներն ու երիտասարդները: Ի՞նչպիսի ճնշող, մեռցնող, մուսլ տպաւորութիւնների պէտք է ննթարկէր նոցա մատաղ հոգին, որ դեռ նոր էր փթթում, նոր պէտք է կեանքի քաղցրութիւնները ճաշակէր: Մեր հեղինակը չի կանդնում այս ամենի վրայ, չի դնում այսպիսի հարցեր, այլ բաւականանում է միայն այն ժամանակակից երիտասարդութեան բնորոշ գծերը դուրս բերելով: Առանց նրբագէտ հոգեբան լինելու կարելի է հասկանալ, թէ ի՞նչպէս պէտք է ազդէր այդ ժամանակամիջոցը դեռահաս սերնդի վերայ, ի՞նչպիսի խորը, անջնջելի կնիք պէտք է դնէր այդ շրջանի երիտասարդութեան կենդանի, մտածող ներկայացուցիչների հոգու վրայ:

Այդ երիտասարդութիւնը, ինչպէս առհասարակ լինում է, դեռ անարատ մնացած գործնական կեանքի կեղտերից, ձգտում էր գէպի ճշմարիտը, դէպի լոյս, դէպի ազատութիւն. նորա զգացումներն ու մտքերը մարդասիրական իդէալներով էին տոգորւած. երիտասարդ դուռնիները լցւած էին մարդկային հաւասարութեան, եղբայրութեան

վեհ և սուրբ երազներով. նոքա հաւատում էին, թէ աշխարհի վրայ պէտք է թագաւորեն իրաւունքը, արդարութիւնը, խաղաղութիւնն ու սէրը... Իսկ իրականութիւնը ի՞նչ ցոյց տւեց: Փոխանակ այդ անզուսպ ձգտման դէպի լուսաւոր իդէալը, փոխանակ այդ ոսկի երազների, ի՞նչ դուռն նոքա իրականութեան մէջ: Այստեղ գետի պէս հոսում էր մարդկային արիւնը, լրբաբար յաղթանակում էր կոպիտ բռնակալութիւնը, ասուածային և մարդկային բոլոր սուրբ իրաւունքները հայհոյութեան առարկայ էին դարձել, կենդանական անսանձ կրքերը լիուլի բաւականութիւն էին ստանում, մարդկանց արտում բռն էր դրել փոխադարձ ատելութեան չար ոգին: Արդ, հնարաւոր էր դեռ էլի գուրգուրել իրաւունքի, արդարութեան, մարդասիրութեան երազները, երբ շրջապատող կեանքի մէջ անխորիւ և անզուսպ կերպով տիրապետում էր միմիայն կոպիտ Ֆիզիքական ոյժը, երբ կատաղի բռնակալը մարդկային յարաբերութիւնների միակ ուղղութիւն տուողն էր հանդիսանում, և յաղթական կերպով ապացուցանում էր բոլոր իդէալիստներին, թէ ոյժ Ի օր էնք է: Կարելի՞ էր մտածել այլ ևս խաղաղութեան, եղբայրութեան, սիրոյ թագաւորութեան մասին, երբ լեզբայր-մարդիկ՝ վայրկեանի կատաղութեամբ յարձակում էին իրար վրայ, իրար միս էին կրծում վայրի զազանների նման, երբ օդի մէջ հնչում էին թշնամութեան, ատելութեան չարագուշակ ձայները, երբ չորս կողմից լսում էին աղետալու հառաչանք, անէծք, ատամների կրճտոց: Եղբայրութիւն, սէր, միութիւն քաղցր խօսքերը կարծես դառն, թունալից շեգնութիւն էին: Այսպիսի դարհուրելի օրեր հնարաւոր եղան, այն էլ ե՞րբ. 19-րդ դարի երկրորդ կիսին, երբ եռում էր քաղաքակրթութիւնը, երբ ուսումը, դիտութիւնն ու արւեստները անհաստատի հակադասական քայլերով յառաջադիմում էին: Եթէ այսպէս է, էլ ի՞նչ միտք ունին այդ գովելի քաղաքակրթութիւնը, ցանկալի յառաջադիմութիւնը, երբ նոքա մարդկանց չին մարդկայնացնում, երբ նոքա անզօր են մարդու մէջ զազանը սանձելու: Եւ կը լինի՞ արդեօք երբ և իցէ այս մարդկայնացումը, կը թագաւորէ՞ արդեօք ցանկալի մարդասիրութիւնը, սէրը, մարդկային եղբայրութիւնը: Սէր... եղբայրութիւն... դատարկ խօսքեր չեն արդեօք: Տղայական ցնորքներ չեն արդեօք այս բոլոր ձգտումները դէպի լուսաւոր իդէալը, որ իրական կեանքի

հետ շփուելիս անշեռանում, շքանում են. երեխայական ցնորքները արդիւնք չէ՞ արդեւք նոյն իսկ այդ իդէալը: Այո՛, այո՛, — զառնութեամբ կրկնում էին Բուրժէի ժամանակակիցները. ընկճւած զարհուրելի օրերի աշուտ տեսարանով, — բոլորը դատարկ, անբովանդակ խօսքեր են, բոլորը ցնորք է, երևակայութիւն է, խաբուսիկ երևոյթներ են: Եւ քանի նոքա կրկնում էին այս մոքերը, այնքան նոցա հայեացքը մթնում էր, ոգևորութեան վառ կրակը, որով երբեմն բորբոքւած էր նրանց հոգին, հանգչում էր, տեղի էր տալիս սառնութեան, գոռոզաբար բարձրացրած գլուխները խոնարհում էին կրծքերի վերայ, անզօր թւեալը թուլացած ընկնում էին... Հանրամարդկային լայն, լուսաւոր իրէալի քնքոյշ ծաղիկը ցրտահար էր լինում, խոնարհում, թառամում էր և մեռնում... 'Կառնանք, սակայն, մեր երիտասարդ հռետորի ճառին:

Բացի վերէն ասածներիցս, այն ժամանակեայ երիտասարդութեան լայն, իդէալական ձգտումների խորտակելուն և մեռնելուն մեծապէս նպաստեցին և ուրիշ հանգամանքներ. Կամենայով գտնել իրական կեանքի այդքան փչացած լինելու պատճառները, երիտասարդ ինտելլիգենցիայի ներկայացուցիչները ակամայ դարձնում էին իրանց աչքերը Ֆրանսիայի մօտիկ անցեալի, Ֆրանսիական պատմութեան նախընթաց օրւայ վերայ, և գտնում էին այնտեղ երկրորդ կայսրութեան նախատիւնքը, որի սպանիչ, անբարոյականացնող ներգործութեան վերայ մատնացոյց է անում Բերանժէն թռուցիկ կերպով, երկու-երեք խօսքով: Բայց մենք առանց այդ էլ դիտենք, թէ ի՞նչ էր երկրորդ կայսրութիւնը և ի՞նչ նշանակութիւն ունեցաւ նա դժբաղդ Ֆրանսիայի համար: Դուրս եկաւ մի ճարպիկ փախստական, զողի պէս ներս սողաց ժողովրդական ինքնավարութեան մէջ, խորտակեց այդ ինքնավարութիւնը, ոռնատակ տալով օրէնքը և անամօթաբար իւր երդումը լուծելով, ձեռքն առաւ երկաթեայ գաւազան, բռնի ուժով ստիպեց շլացած ազգին ճանաչել իրան փրկիչ և ուէր, և սկսեց կռաւարել: Հայրենիքը իւր չլուսաւորւած և քաղաքակիրթ դասակարգերով միասին հետեւում էր ճարպիկ աւազակի գործողութիւններին և նորանից օրինակ էր առնում իւր գործերի մէջ: Յաջողութիւնը ի վերուստ ընծայւած շնորհ էր համարւում. օրէնք, իրաւունք, պատիւ, խիղճ, մարդկային արժանաւորութիւն,

այդ ամենը յիմարութիւններ էին, որոնց լուրջ կերպով կարող էին վերաբերել միմիայն յիմարները, իսկ Վսեւօք, գործնական, կեանքի վերայ աւողջ հայեացք ունեցող մարդիկ վաղուց պէտք է թողնէին այդ ցանցառութիւնները: Կեանքի մէջ անհրաժեշտ էր որ և է կերպով յաջողութիւն ունենալ. դորա համար ամենայն ճանապարհ և միջոց ներելի էր. միջոցների մէջ խորութիւն դնելը ավանդութիւն էր: Յաջողութիւնն ամեն ինչ արգարացնում է, ամեն ինչ սրբացնում: Նորա առաջ ամեն բան խոնարհում է, որովհետեւ նա է զօրութիւն, իշխանութիւն: Երկրացին առաւ Բարիք տուողը, նորանից է բղխում այն ամենը, ինչ որ հարկաւոր է լիւրի բաւակաւութեան համար, իսկ բաւականութիւնը խօմ կեանքի միակ նպատակն է. նրանից դուրս ոչինչ չկայ, որին արժէր ձգտել... Ի՞նչ բարձր շահեր, ի՞նչ քաղաքացիական առաքինութիւններ, իդէալներ... Այս և սոցա նման դաստիարակութիւնները վաղուց պէտք է արխիւ ձգել: Նոքա ո՛չ մի բարիք չեն տալիս. նրանց հետևողը քաղցած կը մնայ... կեանքից հասկացող և ապրելու եղանակն իմացող մարդու համար իդէալը լաւ կերակուրն է, տաք տեղը, կառավարիչների և իշխանաւորների բարի հայեցողութիւնը, գեղեցիկ ելեւնայի դերը կատարող փառահեղ տիկին Շնէյդերի հաղուստի կողքի հրապուրիչ բացածքը... Մնացածը ամբողջապէս յիմարութիւն է... Կեցցէ՛, ուրիշն, յաջողակութիւնը, կեցցէ՛ կեանքի վաղեմը:

Այս թիթեւ, հեշտալի, ստոր կրքերն ու հաճոյքները զրգոող բարոյականութիւնը միախառնւած Օֆֆէնբախեան օպերաների զալլալիկների հետ, որ այն ժամանակաւ կեանքի արտայայտութիւնն էր, Ֆիլիլլիից տարածւում էր հասարակութեան մէջ և այնտեղ եռանդուն կերպով մշակւում էր, շնորհիւ երկրորդ կայսրութեան. սորա ձեռքում դա մի գեղեցիկ պատաւար էր օջիսասկար՝ գաղափարների դէմ, և ամենայնուայի գրաւական՝ ներքին խաղաղութիւնը ու հանդարտութիւնը պահպանելու համար: Այս կողմից նորա աշխատութիւնները պատկուում էին կատարեալ յաջողութեամբ. կենդանական պահանջներն առաջին տեղն էին բռնում, կատարւում էին ամեն տեսակ խողութիւններ: Անառակ վարք ու բարքը չափազանց յարմար էր գալիս ֆրանսիական հասարակութեան կրթւած դասակարգերի ճաշակին, նոքա անյազաբար վազում էին հարստութեան,

վայելքների յետևից: Փողը, զւարճութիւնը պաշտուում էին, փողի համար հոգիներն էին ծախում: Ամենալիրբը նոցանից ոգեկան զարմանալի արագութեամբ քաղաքացու պատւի էր հասնում, ձայն էր ունենում երեսփոխանական ժողովում, բարձրագոյն ատենում, դատարաններում, դատախազների խորհրդում: Բարձրանում էր պրոֆեսսորական ամբիօն, գործում էր հրապարակախօսութեան և գրականութեան մէջ: Քաղաքակիրթ Պրանսիան կամաց-կամաց սկսեց նմանել մի ահագին հասարակաց տան, որտեղ, առանց խղճահարութեան, օրը ցերեկով, ամբողջ Եւրոպայի աչքի առջև, կատարւում էին ամեն տեսակ կեղտոտութիւններ և որտեղ պատիւ, խիղճ, համոզմունք, բոլորը օրն էին ցնդում: Եւ այս ամենը շարունակեց, համարեա՛, ամբողջ քսան տարի, որի միջոցին ապականութիւնը տարածեց Պրանսիայում, ինչպէս իւղի կաթիլը ծծող թղթի վրայ:

Ինքնըստինքեան հասկանալի է, որ այն ամենը, ինչ որ ազնիւ էր, մաքուր էր, բարոյապէս կենդանի էր, պէտք է մեռներ խեղդող, ապականւած մթնոլորդի մէջ, կամայ ակամայ պէտք է տեղի տար ինքնաբաւական խողութեանը: Բնաւորութիւնները մոնրանում էին, համոզումները ծախւում էին շողշողուն ոսկիներով, տաղանդները փչանում էին: Գեանքի և գործունէութեան բոլոր խաւերի մէջ տիրապետեց ստոր միջակութիւնը, որ ամեն բանի վրայ դրեց իւր սեփական կնիքը. ամեն ինչ ստորացաւ, կեղտոտեց, հոգեկան կեանքի աղբիւրներն սկսեցին ցամաքել, ամենայն ստեղծագործութիւն, բացի սրիկայական օպերէտներէից, մեռաւ: Անբարոյական հասարակութեան մէջ միանգամայն ոպաուեցին կենդանի ոյժերը, անառակութեանը յաջորդեց կատարեալ սնանկութիւն, որի հետևանքն եղաւ 70 թւականի կատաստրոֆը:

Բերանժէն չընկարագրեց իւր ունկնդիրների առաջ երկրորդ կայսրութեան օրերում Փրանսիական հասարակային կեանքի այս ալլանդակ պատկերը: Նա միայն հարևանցի ակնարկ ձգեց այդ կայսրութեան վրայ, համարելով նրան ամբողջապէս Պրանսիան անբարոյականացնող և 70-ական թւականների ինտելլիգենտ երիտասարդութեան ոգուն անկմանը նպաստող մի գործօն (ФАКТОР): Բերանժէի հասակակիցներին և ընկերներին պէտք է զարմացնէր աւելի այն ընդհանուր տեսաբանը (ФОНЪ) որի վրայ նկարւում էր վերոյիշեալ պատկերը - այն հա-

սարակութիւնը, որն օժանդակում էր տալակի յաջողութեանը, որը ծափահարում էր նրան, խոնարհում, տարածւում էր Ֆրանսիայի այդ չէար ոգու ոտքերի տակ։ Այդ հասարակութիւնն ընդունակ էր միայնգամայն մոռանալ մարգկային արժանաւորութիւնը, վերջին աստիճանի ստորանալ, փչանալ, բարոյապէս ընկնել։ Նա պատրաստ էր յարձակել իւր առջևը դրած լափի վրայ, և մեծ բաւականութեամբ խրում էր իւր համար պատրաստած ցեխի մէջ, և, որ ամենից սարսափելին է, տրորելով այդ ցեխի մէջ, իրան երջանիկ էր զգում և ուրախ, ինքնաբաւական միթմրթոցով ականջ էր տանում։ Եւ այս անողներն էին երկրի ծաղիկները՝ նորա բարձրագոյն Քաղաքակիրթ, լուսաւորւած և յառաջադէմ ներկայացուցիչները։ Երբ մարդ երեւակայում է, թէ ի՞նչ էր այդ հասարակութիւնը, որ մարմնացած ապականութիւն էր, ականայ սարսուռ է զգում, փշաքաղում է... կարելի էր այս բոլորը պատմական անցեալ համարել, մոռացութեան տալ։ Բայց ցաւն այն է, որ չի կարելի։ Զէ՞ որ հասարակութիւնն այդպէս էր ոչ թէ հարիւր տարի առաջ, այլ երէկ։ Նա չէր կարող մի դիշերւայ մէջ ամբողջովին փոխել. այդպիսի կարճ միջոցում՝ չէին կարող խողի ցոււկները մարդկային կերպարանք դառնալ։ Եւ թէ արդարեւ նոքա չը փոխեցին, դորան պերճախօս վկաններ են 70-ական թւականների բազմաթիւ իրական փաստերը։ Զը նայելով որ արտաքուստ շատ բան փոխեց, չը նայելով որ երկրորդ կայսրութեանը յաջորդեց երրորդ հանրապետութիւնը, իրական կեանքը միայն իսկապէս առաջւանը, նրա շարունակութիւնը։ Եւ այսպիսի կեանքի մէջ, այսպիսի հասարակութեան մէջ, որին անաչառ պատմութիւնն անշուշտ իւր արժանի տեղը կուայ, վիճակւած էր մեզ հետաքրքրող սերնդի ինտելլիգենտ երիտասարդութեանը ապրել և գործել... Ինչպիսի ճնշող, վհատեցնող, կաշկանդող ազդեցութիւն պէտք է անէր այդ կեանքը նոր սերնդի հոգու վրայ։

Բայց եթէ այդ ժամանակաշրջանի երիտասարդութիւնը շրջապատող կեանքի մէջ իւր իդէալական ձգտումներին նեցուկ չէր գտնում, գուցէ նա այդ կարող էր գտնել վերացական դադափարի, փիլիսոփայութեան, դիտութիւնը քաջալերող ոյժի մէջ։ Դժբաղդաբար չէր կարող, լսում ենք Բերանժէից։ Ի՛նչ փիլիսոփայութեան, թէ՛ դիտութեան մէջ վաղուց արդէն կատարւել էր արմատական փոփոխութիւն,

որի հետևանքները, մեր հռետորի ասելով, ամենևին էին նպաստում մոռաճող մարդոց ոգին բարձրացնելու:

Երանց ծագումով այնքան տարբեր և իրանց նպատակներով այնքան հակառակ Կանտի կրիտիցիզմը և անգլո - ֆրանսիական պոզիտիվիզմը միացրին իրանց ոյժերը, որպէսզի հին մետաֆիզիկայի բացարձակ դրուժիւնները խորտակեն և այս անմահ համարած բացարձակ դրութիւնների տեղը դնեն ընդհանուր յարաբերականութեան վարդապետութիւնը: Ֆրանսիական յեղափոխութիւնն ուրիշ ուին էր, եթէ ոչ բացարձակ իրաւունքի հրատարակութիւնը երկրի վրայ. նա իբրև անհերքելի և սրբազան յայտնեց այն սկզբունքը, թէ բոլոր մարդիկ եղբայր են, թէ նոքա բոլորը ազատ են և հաւասար: Սա բացարձակ մետաֆիզիքական դրութիւն էր, և ահա՛ Կանտի վարդապետութիւնը, միացած Կոնտինի հետ, հերքեց այս դրութիւնը: Ընդն իսկ գիտութիւնը, որ հետզհետէ տիրում էր մտքերին, հրատարակեց, թէ աշխարհում գոյութիւն ունին միմիայն օրէնքներ և ամբողջ տիեզերքում տիրապետում է համատարած պատճառաբանութեան երկաթեայ շղթան, թէ հոգեկան և թէ նիւթական աշխարհները կառավարւում են նորանով և միայն նորանով: Այս երկու սկզբունքները, — ընդհանուր յարաբերականութիւն և պատճառականութիւն, — զօրեղ կերպով խորտակեցին ազատութեան, բացարձակ իրաւունքի, ընդհանուր եղբայրութեան գաղափարները, որոնք ոգևորում էին անցեալ դարի վերջում ապրող մարդկանց, որոնցով ներշնչւած նոքա հերոսութեան էին հասնում, ձգտում էին ամբողջ աշխարհը յեղաշրջել:

Ինչպէս որ տաճարի սիւները խորտակւելով իրանց հետ խորտակում, փշրում ու տապալում են կամարները, կաթողիկէն, աստուծային սուրբ խորանը և սրբազան պատկերները, այնպէս էլ ազատութեան և իրաւունքի բացարձակ սկզբունքների հետ միասին խորտակեցին բանականութեան արդիւնքը՝ ջերմ հաւատը, և առհասարակ առաջնայ բարոյական գաղափարների ամբողջ շէնքը: Բացի անհրաժեշտութեան երկաթեայ օրէնքից, որով կառավարւում է ամբողջ տիեզերքը, և որը ամենևին չի ենթարկւում մարդկանց գործողութիւններին, չը կայ ուին է անխախտ, ուին է բացարձակապէս ճշմարիտ. չը կայ ուին, որի վերայ, իբրև հաստատուն նեցուկի

վրայ, յնևի մարդուս միտքը: Ճշմարտութիւնն ու ստութիւնը, առաքինութիւնն ու ժեղքը, բարին ու չարը, բոլորը յարաբերական բաներ են երևում, բոլորը դառնում են մեզ համար ընդհանուր տիեզերական ոյժերի բնական անխուսափելի հետեանք, ոյժերի, որոնք չեն ենթարկւում մարդու կամքին: Ամբողջ բնութիւնը իւր փոփոխութիւններով երևում է պատճառների և հետեանքների անընդհատ ճակատագրական շղթայ, և ողորմելի, անզօր մարդը չի կարող իւր կամքի համաձայն փոխել կամ դասաւորել այդ երկաթեայ շղթայի մի օղակն անգամ: Աշխարհի մէջ ամեն զան կը կատարւի այնպէս, ինչպէս պահանջում է ընդհանուր պատճառականութեան անողոք, բնական օրէնքը, և մարդը, որ անմիջապէս գտնւում է այդ օրէնքի իշխանութեան տակ, իրերի ընթացքի մէջ փոփոխութիւն մտցնել չի կարող: Այսպէս էր, Բերանժէի ասելով, մոլքերը նւաճող պատճառականութեան փիլիսոփայութիւնը, որ, աւելացնում ենք մեր կողմից, հոգեբանական տեսակէտից սխալ էին հասկանում և բացատրում: Այս փիլիսոփայութիւնը իւր կնիքը դրեց և հասարակական դիտութեան, և՛ գեղարվեստական գրականութեան վերայ: Նա առաջին անգամ երևան եկաւ Տէնի, յետոյ և Ռընանի շարադրութիւնների մէջ. այդ ողով տոգորւեցին և տիրապետող նասուրալիստական շկուայի վիպագիրները—Ֆլոբէր, Գոնկուր եղբայրները և Զոլան իւր աշակերտներով և հետևողներով: Այդ փիլիսոփայութիւնը, այդ պատմութիւնը, այդ գրականութիւնը մահացնող սառնութիւն փչեցին երիտասարդութեան վերայ: Դոցա շնորհիւ երիտասարդների քարոյական ոյժը թուլացաւ, կաշկանդւեց:

Գաղափարների, պատմութեան և կեանքի այս զանազան աղդեցութիւնների հետեանքը չափազանց անմխիթար եղաւ: Երիտասարդութիւնը հոգեպէս ընկճւեց, ընկաւ ծայրահեղ հիասթափման մէջ, ոչ մի բանի չէր հաւատում: Վերելից, գաղափարական աշխարհից, սառն, աղաւթ լոյս էր տարածւում նորա վրայ, շրջապատող իրականութիւնը նորա մէջ զարթեցնում էր զղւանքի զգացում: Կեանքը երևում էր անխորհուրդ, աննպատակ, ապականւած: Զկար այս աշխարհում ոչինչ, որին արժէնար գէթ փոքր ի շատէ լրջօրէն վերաբերւել, որի վերայ արժէնար օգտաւէտ կերպով և հաճութեամբ գործ դնել հոգեկան ոյժերը: Սորանից առաջ եկաւ յոռետեսութիւն, ան-

տարբերութիւն և, իբրև այս բոլորի անմիջական հետեանք, նեղ եսականութիւն, սեպհական սեպոյ պաշտելւ Արդարեւ, եթէ շրջապատող կեանքը այնպէս է կազմակերպւած, որ նորա մէջ ոչինչ մասնակցութիւն չարժէ ունենալ, եթէ այդ կեանքի մէջ ոչինչ չը կայ սիրելու, ոչնչով չի կարելի յափշտակել, ոչնչի առաջ չի կարելի խոնարհել, ուրեմն մտածող մարդուն ուրիշ ոչինչ չի մնում անել, բայց եթէ երես դարձնել այդ կեանքից, քաշել, փակել իւր անձնական ներքին աշխարհի մէջ, միմիայն իրան համար ապրել, և անտարբեր աչքով նայել ողորմելի տեսարանների վրայ, որ ներկայացնում են ողորմելի դերասանները կեանքի ողորմելի բեմի վրայ: Այս եզրակացութեանն եկան 70-ական թւականների երիտասարդութեան նոյն իսկ լաւագոյն ներկայացուցիչները, որոնցից է անկասկած և ինքը՝ Պօլ-Բուրժէն. նոքա բոլորը դարձան յուսաբեկ պետսիմիստներ և իրապաշտներ: Բայց այսպէս իրանց շրջապատող կեանքից խոյս տալով, աշխարհից կտրւելով և ճգնաւորի նման խցերում փակւելով՝ նոքա չէին կարող իրանց բաղդաւոր զգալ: Մի կողմից նոքա ողբում էին լայն, հանրամարդկային իդէալների կորուստը, միւս կողմից, հոգեպէս կտրւելով շրջապատող կեանքից, նոքա հետզհետէ թառամում էին: Մարդը ընկերական արարած է. հէնց որ նա խզեց իւր սերտ, կենդանի կապերը հասարակային մարմնից, որից շարունակ ծծում է կեանքի հիւթը, անպատճառ կը ցամաքի, կը թառամի, կը մեռնի... Թշուա՛ւ էգոիստներ. նոքա պարզ տեսնում էին իրանց տկարութիւնը, տկար էին գործով, տկար էին մտքով և զգացումներով, և դրա գիտակցութիւնը նրանց աանջում էր, հանգիստ չէր առլիս: Այս հանգամանքը գեղեցիկ կերպով երևում է Բուրժէի վէպերի երիտասարդ հերոսների վրայ. նոքա, իհարկէ, բարոյապէս ագեղ երևույթ էին ներկայացնում, և կարող էր արդեօք ուրիշ կերպ լինել: Նոքա շատ լաւ էին զգում այդ, ուստի և ամենեւին չէին մտածում իրանցով հրճւել. ընդհակառակը, նոքա լաւ էին հասկանում իրանց բարոյական կեանքի անբնական լինելը, հասկանում էին, և քիչ չէին տանջւում: Այդ տանջւելը պարզ ցոյց է տալիս, որ նրանց մէջ կար ազնիւ, մարդկային բնաւորութիւն: «Այս պատճառով, — բացառանչեց Բերանժէն, — չը նայելով այս բոլորին, մենք սիրում ենք նրանց, համարելով նրանց մեր եղբայրները, որոնք

տանջւում էին, որոնց կեանքը հարւածւում էր և որոնք, սակայն, հնար չունէին իրանց վերքերը բժշկելու... Մենք նրանց սիրում ենք և ներում նրանց մեղքերը, որովհետև նոքա զարհուրելի անցեալի ժառանգներն էին, որովհետև նոցա մտքով իսկ չէր անցնում հպարտանալ իրանց բարոյական հիւանդութիւնով, կամ նրանից ո՛ր և է օգուտ սպասելու:

Ահա՛ այսպիսի գոյներով է նկարում և այսպէս է գնահատում մեր ժամանակակից երիտասարդութեան ներկայացուցիչը, հաւանօրէն լաւագոյններից մէկը, — 70-ական թւականների նոր սերունդը: Տեսնենք ինչ է ասում նա իւր եղբայրակիցների՝ 80-ական թւականների սերնդի մասին:

(Կը շարունակւի)